

Entrevista exclusivo cu Gilbert "Gi" Raven Rey di Tumba 1996...

DEN AMBIENTE

"DANKI MI PUEBLOOOO...MI TA STIMA BOSOOOO" ..



** "Mi puebloooo...mi ta stima bosoooo" ...

** Despues di cinco aña ta participa den e festival di Tumba, porfin Gilbert "Gi" Raven a bin logra di conquista e titulo maximo Rey di Tumba.

Pa Gi esaki ta un satisfaccion hopi grandi cu e logro aki, despues di algun aña cu el a sinti su mes como un ganador y tabata un Rey sin corona. Pero despues di no a preocupa mas di ser un Rey, awor si esaki ta un hecho cu e ta e Rey di Tumba 1996.

E aña aki Gi no tabatin intencion pa bay participa, pero despues di a nota e reaccion di su gran fanaticadanan y el a tuma e desicion tog pa bay participa, pero muy especialmente pa su

gran fanaticonan y su dushi pueblo stima Aruba.

Despues di a tuma su desicion definitivamente, el a aserca su compositor y areglista Martin Quandus pa dal bay cu su Tumba.

Den apenas un dia e Tumba ganador "Ban cende e Mecha di Carnaval" su letranan a ser traha. Den prome instante Gi a gusta e letranan aki masha hopi mes y inmediatamente el a cuminsa practica e letranan aki.

Despues Martin Quandus a traha riba e areglo, cua melodía el a gusta masha hopi mes y tabata sumamente satisfecho cu e Tumba cu e lo bay participa cu ne.

E aña aki Gi y Martin a opta pa bay den guerra cu Robert y su Solo Banda Show, cua ta un di e orquesta solido cu ta toca y bati un Tumba manera ta debe ser. Durante e ensayo caba, Gi a sinti un vibracion total cu e Tumba aki lo bay cay na agrado serca e pueblo di Aruba.

Na momento cu el a interpreta e Tumba aki durante su participacion den Stadion di R.C.A., e por a nota cu su Tumba a cende un mecha di alegría den stadion, mirando tur hende den un trans di ambiente riba e ritmo di su Tumba.

Despues cu el a termina cu su presentacion, ta sunchi y braza so e tabata ricibi for di su dushi publico, kendenan a keda sumamente contento cu su tremendo Tumba y tambe pa su actuacion el a ricibi masha hopi elogio.

Tabata un alegría inmenso a reina den su curason, na momento cu e M.C. Jubi Naar a menciona su nomber como e maximo ganador di e festival. E no por a contene su emocion riba stage despues di a kere cu hamas y nunca e lo ser escohe como Aruba su



** Rey di Tumba 1996, Robert Jeand'or, Martin Quandus y su Solo Banda Show, sumamente satisfecho cu su Tumba...

Rey di Tumba.

Su prome expresion tabata "Danki mi pueblo, Aruba mi ta stimabo", cua palabranan a sali di fondo di su curason. Un biaha mas e ta gradici henter pueblo di Aruba pa e apoyo y sosten ricibi.

Nos Rey di Tumba ta manda palabranan di gradicimiento na su dushi pueblo di Aruba y tambe na su compositor/areglista Martin Quandus, Robert y su Solo Banda Show, kendenan a hasi un trabao sumamente fabuloso. Tambe e tremendo coro cu a respalde durante su presentacion.

Tambe "last but not least",

su sponsernan cu e tin masha aprecio, kendenan ta; Sra. Magda y Sr. Luis Mansur di Optima, Alex Mansur di Mansur Freezone, Bincho Mansur y Erik Mansur di Manimex, El Gaucho, Ritz, German Castaño di La Cabana Casa Grande, Robby Nahar di Ancla Beer, John Eman di Aruba Bank, Ling & Sons, Ildo Vrolijk, Turistica Car Rental, Gilbert "Skere" Arends di Ice House, Rafy Williams di New Age Autoparts, Ike Cohen, Casa Delanoy, Ichie de Cuba di Dewars White Label, Franklin di Budweiser...

FRANCELLA JACOBS REINA INFANTIL TUMBA 1996 GRABANDO SU EXITOSO TUMBA DEN ARUBA RECORDING STUDIO....

** Nos flamante Reina Infantil di Tumba 1996, Francella Jacobs, no a perde tempo pa graba su exitoso Tumba "Hise na laira muchanan" den Aruba Recording Studio.

E grabacion a ser realiza den un tempo record, cu hasta a sorprende e dos maestronan Johnny Croes como ingeniero di studio y Efi Thiel como su areglista.

DEN AMBIENTE por a compronde for di su tata, e conocido cantante Francis Jacobs cu e tin seriamente pensa pa e aña aki lansa su talentoso yiu cantante riba un disco compacto.

Reina Infantil Tumba




** Nos Reina di Tumba infantil 1996, Francella Jacobs den un pose exclusivo pa DEN AMBIENTE durante su grabacion den Aruba Recording Studio....

1996 Francella Jacobs kende alaves ta ganadora di "Den Ambiente Awards 1995" como cantante infantil,

tambe ta ganadora indiscutible di Voz i Landia 1995.

Ta di spera cu nos radio-emisoranan lo resona e tremendo Tumba di Francella Jacobs durante e ultimo siman di carnaval y tambe ta nos deseo pa mira Francella durante e dos paradanan tanto na Noord y Playa interpretando su Tumba ganador, pa asina e pone tur nos muchanan "HISA NA LAIRA MUCHANAN"...

Tur diasabra merdia 12'or pa 2'or Den Ambiente na Radio Galactica 99.9 FM



** Francella Jacobs Reina Infantil Tumba 1996, tumando instruccionnan for di e maestro Johnny Croes y su areglista Efi Thiel...